

53

HARVARD COLLEGE LIBRARY
FROM THE
HARVARD-YENCHING
INSTITUTE


AUG. 30 1929

~~Ch L² 9299.1142~~

~~Ch L 9301.114~~

79299/114

58
+
=



第十四函

草木圖會

一卷至十二卷

三才圖會

哈佛大學哈佛藥宗
圖書館珍藏印


雲間允明父王思義續集

草木一卷

草類

黃精	菖蒲	人參	天門冬	甘草	地黃
木	菟絲子	牛膝	芫薺子	萎蕤	防葵
柴胡	麥門冬	獨活	羌活	升麻	車前子
薯蕷	澤瀉	丹參	遠志	龍膽草	細辛
石斛	巴戟	白蒿	赤箭	菴藷子	木香
蒼實	卷柏	藍實	芎藭	黃蓮	絡石

漏蘆
疾梨子
黃耆
肉蓯蓉
防風
蒲黃
續斷



精黃



本草綱目卷之四十一

黃精

黃精生山谷南北皆有之高山茅山者為佳三月生苗高一二尺以上葉如竹葉而短兩兩相對莖梗柔脆頗似柃枝本黃末赤四月開細青白花如小荳花狀子白如黍亦有無子者根如嫩生薑黃色二月採根蒸過暴乾用一名委蕤一名仙人餘糧一名苟格一名菟竹一名垂珠一名馬箭一名白及又一名雞格一名救窮一名鹿竹一名重樓又俗名筆管菜味甘平無毒主補中益氣除風濕安五藏久服輕身延年

黃

精



菖蒲

菖蒲生上洛池澤及蜀郡嚴道今處處有之而池州戎州者佳青葉長一二尺許其葉中心有脊狀如劍無花實五月十二月採根陰乾今以五月五日收之其根盤屈有節狀如馬鞭大一根傍引三四根傍根節尤密一寸九節者佳亦有一寸十二節者採之初虛軟曝乾方堅實拆之中心色微赤嚼之辛香少滓人多植于乾燥砂石中臘月移之尤易活一名昌陽味辛溫久風濕痺用



人參生上黨山谷及遼東河東諸州泰山皆有之又有河
 北淮揚及閩中來者名新羅人參然俱不及上黨者佳其
 根形狀如防風而潤實春生苗三月四月有花細小如粟
 葉如絲紫白色秋後結子根如人形者神泰山出者葉簞
 青根白殊別江淮出一種土人參葉如匙而小與桔梗相
 似味極甘美相傳欲試上黨人參者當使二人同走與一
 人參含之一不與度走三五里許其不含人參者必大喘
 含者氣息自如者其人參乃真也一名人銜一名鬼蓋各
神草一名人微一名二精一名血參如人形者有神味甘
微寒微溫無毒主五臟氣不足勞傷虛損久服輕身延年

天門冬



天門冬生奉高山谷今處處有之春生藤蔓大如釵股高
 至丈餘葉如茴香極尖細而踈滑有逆刺亦有澁而無刺
 者其葉如絲杉而細散皆名天門冬夏生白花亦有黃色
 者秋結黑子在其根枝傍入伏後無花暗結子其根白或
 黃紫色大如手指長二三寸大者為勝洛中出者葉大幹
 麓嶺南者無花一名靡一名豐冬一名顛棘在北嶽名淫
 羊藿在中嶽名天門冬在西嶽名管松在北嶽名無不愈
 在南嶽名百部在京陸山阜名顛棘在北嶽地陰者尤佳
 味苦甘平大寒無毒主暴風濕痺強骨髓定肺氣利小便
 便久服延年

草 且



甘草

甘草生河西川谷積沙山及上郡今陝西河東州郡皆有之
春生青苗高一二尺葉如槐葉七月開紫花似柰冬結子
作角子如畢豆根長者三四尺皮赤上有橫梁梁下皆細
根也二月八月除日採根暴乾十日成去蘆頭及赤皮陰
乾用有數種以堅實斷理者為佳其輕虛縱理及細韌者
不堪一名蜜甘一名美草一名蜜草一名露草味甘平解
諸藥毒調和使諸藥有功故號國老補勞傷益精養氣壯
筋骨解冷熱入藥灸用

地黃



地黃生咸陽川澤黃土地者佳今處處有之以同川爲上
二月生葉布地便出似車前葉上有皺文而不光高者及
尺餘低者三四寸其花似油麻花而紅紫色亦有黃花者
其實作房如蓮翹子甚細而褐色根如人手指通黃色麓
細長短不常二月八月採根蒸三一日令爛暴乾謂之熟
地黃陰乾者是生地黃又醫家欲辨精粗初採得以水浸
有浮者名大黃不堪用半沉者名人黃爲次其沉者爲地
黃最佳一名地髓一名芊一名芭治驚悸勞損吐血鼻衄
婦人崩中血運日乾者平火乾者溫忌鐵器

木



木生鄭山山谷漢中南鄭今處處有之以嵩山茅山者爲
 佳春生苗青色無極一名山薊以其葉似薊也莖作蒿幹
 狀青赤色長二三尺以來夏開花紫碧色亦似刺薊花或
 有黃白花者入伏後結子至秋而苗枯根似薑而傍有細
 根皮黑心黃白色中有膏液紫色二月三月八月九月採
 暴乾乾濕並通用今八月採之一名山薑一名山連味苦
 甘溫主一切風疾勞傷冷氣腹脹補腰膝消痰治水氣利
 小便止反胃嘔逆及筋骨軟弱用米泔浸一宿用

菟

絲

子



菟絲子生朝鮮川澤田野以宛旬者為勝夏生苗如絲絲
 蔓延草木之上或云無根假氣而生六七月結實極細如
 蠶子土黃色九月收採暴乾得酒良其實有二種色黃而
 細者名赤綱色淺而大者名菟纍其功用並同唐蒙女蘿
 菟絲釋曰唐也蒙也女蘿也菟絲也一物四名而本經并
 以唐蒙為一名又詩毛傳云女蘿菟絲也而本經菟絲無
 女蘿之名別有松蘿條一名女蘿自是木類寄生松上者
 豈二物同名乎一名菟蘿一名菟縷一名唐蒙一名玉女
 一名赤綱一名菟纍味辛其平無毒主續絕傷補不足主
 莖中寒精白出有餘瀝口苦燥渴寒血為積

牛

膝



牛膝

牛膝生河內川谷及臨朐今江淮閩粵關中亦有之然不及懷州者為真春生苗莖高二三尺青紫色有節如鶴膝又如牛膝狀以此名之葉尖圓如匙兩兩相對於節上生花作穗秋結實甚細此有二種莖紫節大者為雄青細者為雌二月八月十月採根陰乾根極長大而柔潤者佳莖葉亦可單用一名百倍味苦酸平無毒主寒濕痿痺四肢拘攣膝痛不可屈伸補中續絕除腦中痛及腰脊痛婦人月水不通

芫

蔚

子



本草綱目卷之二十一

芫蔚子

芫蔚子生海濱池澤今處處有之謹按毛詩云中國有推
郭璞云今芫蔚子似荏苳方莖白華華生節間陸機云韓詩
及三蒼皆云推益母也故魯子見之感息劉歆亦謂推臭
穢臭穢即芫蔚也今園圃及田野見者極多形皆如郭說
而苗葉上節節生花實似雞冠子黑色莖作四方稜五月
採又云九月採實醫方中稀見用實者一名益母一名益
明一名大札一名真蔚味辛非微温微寒無毒主明目益
精除水氣療血逆大熱頭痛心煩

萎蕤



本草綱目卷之六十一

廿六

萎蕤

萎蕤生泰山山谷丘陵滁州舒州及漢中皆有之葉狹而長表白裏青亦類黃精莖幹強直似竹節根黃多鬚大如指長一二尺或云可噉三月開青花結圓實立春後採根陰乾用之本經與女萎同條云是一物二名一名熒一名地節一名玉竹一名馬薰味甘平無毒除煩悶止渴潤心肺補勞傷虛損腰脚疼痛

防

葵



本草綱目卷之五十一

防葵

防葵生臨淄川谷及嵩高少室泰山今惟出襄陽諸郡不
聞有之其葉似葵每莖三葉一本上數莖中發一幹其端
開花如蔥花而色白根似防風香味亦如之依時採者乃
沉水陶隱居云與狼毒同根但置水不沉耳三月三日採
六月開花即結實採根為藥一名梨蓋一名房慈一名爵
離一名農果一名利茹一名方蓋味甘苦寒無毒主疝瘕
腸洩膀胱熱結癰癩驚邪狂走

柴

胡



柴胡

柴胡生洪農山谷及寬甸今關陝江湖間近道皆有之以
銀州者爲勝二月生苗甚香莖青紫葉似竹葉稍繁亦有
似邪蒿亦有似麥門冬而短者七月開黃花生丹州結青
子與他處者不類根赤色似前胡而強蘆頭有赤毛如鼠
尾獨窠長者好二月八月採根暴乾一各地薰一名山菜
一名茹草葉一名芸蒿味苦平微寒無毒主心腹去腸胃
結氣飲食積聚寒熱邪氣除傷寒心下煩熱諸疾熱結及
濕痺拘攣亦可作浴湯

麥門冬



麥門冬

麥門冬生函谷川谷及坻坂肥土石間久廢處今所在有
 之葉青似沙草長及尺餘四季不凋根黃白色有鬚根作
 連珠形似穠麥顆故名麥門冬四月開淡紅花如紅蓼花
 實碧而圓如珠江南出者葉大者苗如鹿葱小者如韭大
 小有三四種功用相似或云吳地尤勝二月三月八月十
 月採秦名羊韭齊名愛韭楚名馬韭越名羊菁一名禹葭
 一名禹餘糧味甘平微寒無毒治勞傷安魂定魄止渴肥
 人時疾熱狂頭痛止嗽

獨活 羌活



獨活羌活出雍州川谷或隴西南安蜀漢出者佳春生苗
 葉如青麻六月開花作叢或黃或紫結實時葉黃者是夾
 石上生葉青者是土脉中生此草得風不搖無風自動故
 一名獨搖草二月八月採根暴乾用本經云二物同一類
 今人以紫色而節密者為羌活黃色而作塊者為獨活一
 說獨活生西川益州北部色微白形虛大用與羌活相似
 一名羌青一名護羌使者一名胡王使者味甘平微溫無
 毒治一切風筋骨拳攣四肢羸劣頭旋明目赤疼勞傷虛
 損冷氣

升 麻



升麻

升麻生益州川谷今蜀漢陝西淮南州郡皆有之以蜀川者爲勝春生苗高三尺以來葉似麻葉並青色四月五月著花似粟穗白色六月以後結實黑色根紫如蒿根多鬚二月八月採日暴乾一名周麻味甘苦平微寒無毒主解百毒白邪鬼魅遊風熱腫毒喉痛口瘡

車前子



車前子生真定平澤丘陵道路中今江湖淮甸近京北地
處處有之春初生葉邛地如匙面累年者長及尺餘如鼠
尾花甚細青色微赤結實如葶藶赤黑色五月五日採陰
乾今人五月採苗七月八月採實人家園圃中或種之蜀
中尤尚北人取根日乾作紫苑賣之甚誤所用謹按周南
詩云采采芣苢爾雅云芣苢馬舄馬舄車前郭璞云今車
前草大葉當道長穗好生道邊江東呼爲蝦蟆衣陸機云
馬舄一名車前一各當道喜在牛跡中生故幽州人謂之
牛舌草味寒無毒利小水除濕痺明目療赤痛

木香



木香

木香永昌山谷今惟廣州舶上有來者他無所出陶隱居云即青木香也根窠大類茄子葉似羊蹄而長大花如菊實黃黑亦有葉如山芋而開紫花者不拘時月採根芽爲藥以其形如枯骨者良江淮間亦有此種名土青木香不堪入藥用僞蜀王昶苑中亦嘗種之云苗高三四尺葉長八九寸皺軟而有毛開黃花恐亦是土木香種也一名密香味辛溫無毒治心腹一切諸氣霍亂痢疾安胎健脾胃食療羸劣膀胱冷痛嘔逆反胃

薯

預



薯蕷

薯蕷生豈高山谷今處處有之以北都四明者爲佳春生
苗莖紫葉青有二尖角似牽牛更厚而光澤夏開細白花
大類束花秋生實於葉間狀如鈴二月八月採根今人多
春採刮之白色者爲上青黑者不堪暴乾用之南中有一
種生山中根細如指極陰實刮磨入湯煮之作塊不散味
更珍美一名山芋秦楚名玉延鄭越名土藟味甘溫無毒
助五臟強筋骨長志安神王泄精健忘

澤瀉



澤瀉

澤瀉生汝南池澤今山東河陝江淮亦有之以漢中者爲
佳春生苗多在淺水中葉似牛舌獨莖而長秋末採暴乾
用此物極易朽蠹常須密藏之漢中出者形大而長尾間
有兩岐最佳爾雅謂之滌一名蔦一名水瀉一名及瀉一
名芒芋一名鵠瀉味甘寒無毒王腎虛精自出治五淋利
膀胱熱宣通水道

澤瀉



丹参

丹参生桐栢山川谷及泰山今陝西河東州郡及隨州亦有之二月生苗高一尺許莖幹方稜青色葉生相對如薄荷而有毛三月開花紅紫色似蘇花根赤大如指長一尺餘一苗數根五月採暴乾又云冬三月採者良夏月採者虛惡一名却蟬草一名赤参一名木羊乳味苦微寒無毒主心腹邪氣腸鳴幽幽如走水腰脊強脚痺除風邪疔熱久服利人

连志



遠志

遠志生泰山及句容川谷今河陝京西州郡亦有之根黃色形如蒿根苗名小草似麻黃而青如華豆葉亦有似大青而小者二月開花白色根長及一尺四月採根葉陰乾用泗川出者花紅根葉俱大於它處商州者根又黑色俗傳夷門遠志最佳古本通用遠志小草今醫但用遠志稀用小草一名棘蕤一名萋繞一名細草味苦溫無毒治心神健忘安魂魄令人不迷堅壯陽道主夢邪


龍膽草



龍膽草

龍膽草生齊胸山谷及窵甸今近道亦有之宿根黃白色
下抽根十餘本類牛膝直上生苗高尺餘四月生葉而細
莖如小竹枝七月開花如牽牛花作鈴鐸形青碧色冬後
結子苗便枯二月八月十一月十二月採根陰乾一名陵
煩

細辛



細辛

細辛生葉山山谷今處處有之其根細而其味極辛故名
 之曰細辛二月八月採根或謂柱蘄非也柱蘄宿根止生苗葉似馬
 蹄形狀高二三寸莖如麥藁麤細每一名小辛味辛無毒
 治咳逆上氣頭風手足急拘去皮風濕癢能止眼風除齒
 痛主婦人血瀝腰痛

石斛



三才圖會卷之五十一

十六

石斛生六安山谷水傍石上今荊州廣州郡及温合州亦
 有之以廣南者爲佳多在山谷中五月生苗莖似竹節節
 間出碎葉七月開花十月結實其根細長黃色七月八月
 採莖以桑灰湯沃之色如金陰乾用或云以酒洗將蒸九
 成不用灰湯其江南生者有二種一種似大麥鬍鬚相連
 頭生一葉名參斛一種大如雀髀名雀髀斛惟生石上者
 勝亦有生櫟木上者名木斛不堪用一名林蘭一名禁生
 一名杜蘭一名石遂味甘無毒治男子腰脚軟弱健陽逐
 骨中久冷虛損補腎續精

七戟



巴戟天生巴郡及下邳山谷今江淮河東州郡亦有之皆
 不及蜀州者佳葉似落經久不枯俗名三蔓草又名不凋
 草多生竹林內內地生者葉似麥門冬而厚大至秋結實
 二月八月採根陰乾有宿根者青色嫩根者白色用之皆
 同以連珠肉厚者勝又有一種山律根正似巴戟土人以
 醋水煮之乃紫以雜巴戟莫能辨也但擊破視之其中紫
 而鮮潔者偽也真者擊破其中雖紫又有微白參如粉色
 理小暗也一名穀菜一名白草味辛甘微溫無毒主大風
 邪氣陰痿不起療頭面遊風小腹及陰


中相引痛下氣補
 五勞益精利男子

白蒿




白蒿蓬蒿也生中山川澤所在有之春初最先諸草而生
 似青蒿而葉麓上有白毛錯澁從初生至枯白於衆蒿頗
 似細艾二月採此爾雅所謂藜藿蒿是也春始生及秋香
 美可生食又可蒸一名游胡北海人謂之旁勃又有馬先
 蒿生南陽川澤葉如益母草花紅白八九月有實俗謂之
 虎麻亦名馬新蒿又有角蒿葉似白蒿花如瞿麥紅赤可
 愛子似王不留行黑色作角七八月採又有茵陳蒿草蒿
 味甘平無毒王風寒濕痺補中益氣長毛髮令黑

赤




箭



赤箭

赤箭生陳倉川谷雍州及泰山少室今江湖亦有之然不
中藥用其苗獨莖如箭籜葉生其端四月開花籜葉俱赤
實似枯苦楝子核作五六稜中有肉如麪其根大類天門
冬惟無心脉耳去根五六寸有十餘子爲衛似芋三月四
月採苗七月八月九月採根一名獨搖一名離母一名鬼
督郵味辛温去蠱毒惡氣消癰腫

菴藎子



菴藺子

菴藺子生雍州川谷及上黨道邊今江淮亦有之春生苗
葉如艾蒿高三二尺七月開花八月結實十月採實陰乾
今人通以九月採江南人家多種此辟蛇味苦微寒無毒
主五臟疼血腹中水氣風寒濕痺身體諸痛婦人月水不
通消食明目

菴

藺

子




折葇子

折葇子生咸陽川澤及道旁處處有之爾雅云折葇大薺也郭璞云似薺細葉俗呼之曰老薺味辛陳藏器云大薺當是葇薺非折葇折葇大而扁葇薺細而圓二物殊也而爾雅自有葇薺謂之葇注云實葉皆似艾一名狗薺大抵二物皆薺類故人多不能細分乃爾致疑也四月五月採暴乾古今眼目方中多用之一名茂薺一名大戟一名馬辛一名大薺味辛微溫無毒王明目除痺療心腹腰痛

薺

實




著實

著實生少室山谷今蔡州上蔡縣白龜祠旁生如蒿作叢
高五六尺一本一二十莖至多者三五十莖生便條直所
以異於衆蒿也秋後有花出於枝端紅紫色形如菊八月
九月採其實暴乾入藥其莖爲筮以問鬼神知吉凶褚先
生曰著滿百莖者其下必有神龜守之其上常有青雲覆
之傳曰天下和平王道得而著莖長丈叢生滿百莖味苦
酸平無毒主益氣明目

卷

栢



卷栢

卷栢生常山山谷間今關陝沂兗諸州亦有之宿根紫色
多鬚春生苗似栢葉而細碎拳攣如雞足青黃色高三五
寸無花子多生石上五月七月採陰乾去下近石有沙土
處用之一名萬歲一名豹足一名求股一名交時味辛甘
溫平微寒無毒鎮心除疇頭風暖水臑生用破血灸用
止血


藍實



藍實生河內平澤今處處有之三月四月生苗高二三尺許葉似水蓼花紅白色實亦若蓼子而大黑色五月六月採實按藍有數種有木藍出嶺南不入藥有菘藍可以爲澱者亦名馬藍爾雅所謂葳馬藍是也有蓼藍但可染碧不堪作澱即醫方所用者也又福州有一種馬藍四時俱有葉類苦益菜土人連根採之焙擣下酒內服治婦人敗血甚佳又江寧有一種吳藍二三月內生如蒿狀葉青花自古方多用吳藍者或恐是此味苦寒無毒主解諸毒其莖葉可以染青

葳

蕒



芫蕒

芫蕒生武功山谷利谷西嶺藤蕪芫蕒苗也生維州川澤
 及寬甸今關陝蜀州江東山中多有之而以蜀川者為勝
 其苗四五月間生葉似芹胡荽蛇牀老作叢而莖細其葉
 倍香或蒔於園庭則芬馨滿徑江東蜀州人採其葉作飲
 杏云可以已泄瀉七八月開白花根堅瘦黃黑色三月四
 月採暴乾形塊重實作雀腦狀者謂之雀腦芫此最有力
 一名胡窮一名香果味辛溫無毒主中風入腦頭痛寒痺
 筋攣緩急金瘡婦人血閉無子

黃

連



黃連

黃連生巫陽川谷及蜀郡泰山今江湖荆楚州郡亦有而
以宣城者為勝施黔者為次之苗高一尺已來葉似其菊
四月開花黃色六月結實似片子色亦黃二月八月採根
用生江左者根若連珠其苗經冬不凋葉如小雉尾草正
月開花作細穗淡白微黃色六七月根繁始堪採一名王
連味苦微寒無毒主熱氣目痛背傷泣出腸澼腹痛下痢
婦人陰中腫痛調胃厚腸益膽療口瘡

絡

石



蒺藜子




絡石生泰山川谷味苦温微寒無毒治喉痺葉圓如細橘
 正青冬夏不凋其莖蔓延莖節著處即生根鬚色絡石上
 以此得名花白子黑六月七月採莖葉日乾以石上生者
 良其在木上者隨木性而移薜荔木蓮地錦石血皆其類
 也薜荔與此極相類但莖葉麓大如藤狀用其葉治背癰
 乾末服之下利即愈木蓮更大如絡石其實若連房能壯
 陽道尤勝地錦如葉鴨掌蔓延地上隨節有根亦綠木石上
 石血亦與絡石相類但葉頭尖而赤耳一名石鯨一名石
 蹠一名畧石一名明石一名領石一名懸石

本草綱目卷之五十一

十八

疾藜子生馮翊平澤或道旁七月八月採實暴乾郭璞注
 爾雅云布地蔓生細葉子有三角刺人又一種白疾藜生
 同州沙苑牧馬草地綠葉細蔓綿布沙上七月開花黃紫
 色如豌豆花而小九月結實作莢子便可採其實味甘而
 微腥褐綠色與蚕種子相類而差大又與馬藻子酷相類
 一名旁通一名屈人一名止行一名材羽一名升推一名
 疾藜一名茨生味苦辛溫微寒無毒治賁狹腎氣肺氣膏
 膈滿催生墮胎益精療腫毒及水臍冷小便多止遺瀝遺
 精溺血炒去刺用

黃者



黃耆生蜀郡山谷白水漢中今河東陝西州郡多有之根
長二三尺已來獨莖葉生枝幹去地二三寸其葉扶踈作
羊齒狀又如蒺藜苗七月中開黃紫花其實作莢子長寸
許八月中採根用其皮折之如綿謂之綿黃耆然有數種
有白水耆有赤水耆有木耆功用並同而力不及白水耆
木耆短而理橫一名戴椹一名獨椹一名芟草一名蜀脂
一名百本味甘微溫無毒助氣壯筋骨長肉補血主癰疽
久敗瘡排膿止痛大風癩瘡五痔補虛損五勞止渴腹痛

洩痢

肉蓯蓉



肉蓯蓉生河西山谷及代郡鴈門陝西州郡多有之然不
及西羌界中來者肉厚而力緊皮如松子有鱗甲苗下有
一細扁根長尺餘三月採根採時掘取中央好者以繩穿
陰乾至八月乃堪用西人多用作食品合山芋羊肉作羹
極美好益人食之勝服補藥又有一種草蓯蓉極相類但
根短莖圓紫色功力殊劣又一種生山南巖石上如藕根
初生掘取陰乾亦名蓯蓉味甘酸鹹微溫無毒主勞傷補
中益精氣多子婦人癥瘕除膀胱邪氣腰痛止痢

防風



本草綱目卷之五十一

四十一

防風

防風生沙苑川澤及邯鄲上蔡今京東淮浙州郡皆有之
根土黃色與蜀葵相類莖葉俱青綠色莖深而葉淡似青
蒿而短小初時嫩紫作菜茹極爽口一名銅芸一名苗草
一名屏風一名藺根一名百蜚味甘辛溫無毒主大風頭
眩目盲無所見風行周身骨節疼四肢拘攣金瘡肉瘻

蒲黃



蒲黃

蒲黃生河東池澤香蒲蒲黃苗也生南海池澤今處處有之而秦州者良春初生嫩葉未出水時紅白色至夏抽梗於叢葉中花抱梗端如武士捧杵故俚俗謂蒲槌花黃即花中藥屑也細若金粉當其欲開時有便取之市廛間亦採以蜜搜作果食貨賣其益小兒醫家又取其粉下篩後有赤滓謂之蒲葶入藥以澁腸已洩殊勝味甘平無毒主心腹膀胱寒熱利小便止血消瘀血

續斷



續斷生常山山谷陝西河中興元府舒越晉州亦有之三月已後生苗幹四稜似苧麻葉亦類之兩兩相對而生四月開花紅白色似益母花根如大薊赤黃色七月八月採謹按范汪方云續斷即是馬薊與小薊菜相似但大於小薊耳葉似旁翁菜而小厚兩邊有刺刺人其花紫色與今越州生者相類而市之貨者亦有數種少能辨其僉良醫入用之但以節節斷皮黃皺者為真一名龍豆一名屬折一名接骨一名南草一名槐味苦辛微溫無毒主傷寒補不足折跌續筋骨婦人乳難崩中漏血



本草綱目卷之五十一 續斷

漏蘆生喬山山谷味苦大寒無毒主皮膚熱惡瘡濕痺莖
葉似白蒿有英花黃生英端莖若筋大其子作房七八月
後皆黑異於衆草單州者差相類沂州者花葉頗似牡丹
秦州者花似單葉寒菊紫色五七枝同一斡海州者花紫
碧如單葉蓮花花萼下及根旁白茸裹之根黑色如蔓菁
而細惟單州出者爲勝又有飛蘆生河內川澤一名漏蘆
葉下附莖有皮起似箭羽花紫色又有一種生山崗上葉
頗相似根直下更傍枝生則肉白皮黑中有黑脉日乾則
黑如玄參蘇恭云用莖葉及療痺蝕殺蟲有驗一名野蘭

三才圖會

雲間允明父王思義續集

草木圖會二卷

草類

天名精

决明

茜

五味子

旋花

蛇床

地膚子

千歲蘘

景天

茵陳

杜若

沙參

徐長卿

雲實

王不留行

菴耳

葛

地不容

栝樓

苦參

通草

蠶寶

玄參

當歸

麻黃

知母

貝母

白芷

淫羊藿

黃芩

狗脊

石龍芮

茅

紫苑

紫草

前胡

敗醬

白鮮

酸漿

杜蘅

紫參

藁本

天 名 精



本草綱目卷之五十一 金

天名精

天名精生平原川澤今江湖間皆有之夏秋抽條頗如薄荷花紫白色葉如菘菜而小故南人謂之地菘香氣似蘭故名蟾蜍蘭狀如藍故名蝦蟇藍其味甘辛故名麥句薑一名豕首爾雅所謂蒟蒻豕首是也江東人用此爛蠶蛹五月採此草既名地菘下一作又有地菘條一名天門精一名蔬顛一名覲味甘寒無毒主瘀血鼻血不止利小便去痺除胃中結熱又治瘡

决明子




决明子

决明子生龍門川澤今處處有之人家園圃所時
苗高三四尺許根帶紫色葉似苜蓿而六七月有花黃白
色其子作穗如青菘豆而銳十月十日採陰乾百日按爾
雅薜苈英茺釋曰藥草决明也郭璞注云葉黃銳赤華實
如山茱萸閩西謂之薜苈與此種頗不類又有一種馬蹄
决明葉如江豆子形似馬蹄故名味鹹苦微寒無毒主青
盲目淫膚赤白膜眼赤痛淚出療唇青

苗

根



茜根

茜根一作蒨生喬山山谷今近處皆有之染緋草也許慎
說文解字以爲人血所生葉似棗葉而頭尖下闊三五對
生節間其苗蔓延草木上根紫色陸機草木疏云茹蘆茅
蒐蒨草也齊人謂之茜徐州人謂之牛蔓二月三月採根
暴乾今圃人或作畦種蒨故貨殖傳云卮茜千石亦比千
乘之家言地利之厚也一名地血一名茹蘆一名茅蒐一
名蒨味苦寒無毒主寒濕風痺黃疸補中止血內崩下血
膀胱不足痿跌蠱毒久服益精氣輕身可以染絳

五 味 子



五味子

五味子生齊山山谷及代郡河東陝西州郡尤多而杭越
間亦有春初生苗引赤蔓於高木其長六七尺葉尖圓似
杏葉三四月開黃白花類小蓮花七月成實如豌豆許大
生青熟紅紫爾雅云葇荑蔕注云五味也蔓生子叢莖端
今有數種大抵相近而以味甘者爲佳八月採陰乾用一
說小穎皮皺泡者有白色鹽霜一重其味酸鹹苦辛其味
全者真也一名會及一名玄及至益氣欬逆上氣勞傷羸
瘦補不足強陰益男子精養五臟除熱生陰中

旋

花



旋花

旋花生豫州平澤處處皆有之其根似筋故一名筋根別錄云根主續筋故南人皆呼爲續筋根苗作叢蔓葉似山芋而狹長花白夏秋生遍田野根無毛節蒸煮堪噉甚其美五月採花陰乾二月八月採根日乾下品有旋復花與此殊別人疑其相近殊無謂也一名筋根花一名金沸一名美草味甘溫無毒主益氣去面疔黑色媚好其根味辛主腹中寒熱邪氣利小便

蛇床子



蛇床子生臨淄川谷及田野今處處有之而揚州襄州者
勝三月生苗高三二尺葉青碎作叢似蒿枝每枝上有花
頭百餘結同一窠似馬芹類四五月開白花又似散水子
黃褐色如黍米至輕虛五月採實陰乾爾雅謂之盱一名
虺床一名蛇粟一名蛇米一名思益一名繩毒一名棗棘
一名墻藤味甘辛無毒王婦人陰中腫痛男子陰痿濕癢
除痺氣利關節癩癧惡瘡令婦人子藏熱

地 膚 子



地膚子

地膚子生荊州平澤及田野蜀川關中近地皆有之初生薄地五六寸根形如蒿莖赤葉青大似荆芥三月開黃白花八月九月採實陰乾用其苗即獨掃也一名鴨舌草根作叢生每窠有二三莖莖有赤有黃七月開黃花其實地膚也至八月而蕪幹成可採其葉味苦寒無毒主大腸洩瀉止赤白痢和氣澁腸胃解惡瘡毒三四月五月採一名地葵一名地麥

千歲藥



本草綱目卷之五十一

九

千歲蘂

千歲蘂泰山川谷作藤生蔓延木上葉如葡萄而小四月
摘其莖汁白而其五月開花七月結實八月採子青黑微
赤冬惟凋葉此即詩云葛蘂者也蘇恭謂是萋萋藤深爲
謬妄陶隱居陳藏器說最得之矣一名蘂蕪味甘無毒主
補五臟益氣續筋骨長肌肉去諸痺

景


大



景天

景天生泰山山谷今南北皆有之人家多種於中庭或以
盆盛植於屋上云以辟火謂之慎火草春生苗葉似馬齒
而大作層而上莖極脆弱夏中開花紫碎花秋後枯死亦
有宿根者四月四日七月七日採其花并苗葉陰乾攻治
瘡毒及嬰孺風癰在皮膚不出者生取苗葉五大兩和鹽
三大兩同研絞取汁以熱手摩塗之日再但是熱毒丹瘡
皆可如此用之一名戒火一名火母一名救火一名搃火
一名慎火味苦酸無毒

茵 陳



茵陳

茵陳高山泰山味苦微寒主風痺結熱黃疸通身發黃小便不利除頭熱去伏瘕春初生苗高三五寸似蓬蒿而葉緊細無花實秋後葉枯至春更因舊苗生新葉七月採莖葉陰乾今謂之山茵陳江寧府又有一種茵陳葉大根麤黃白色至夏有花實階州有一種名白蒿似青蒿而背白山茵陳亦有數種京下及北地用者如艾蒿葉細而背白其氣亦如艾味苦乾則黑色江南所用莖葉都似家茵陳而大高三四尺氣極芬香味甘辛俗又名龍腦薄詩葉至細色黃味辛甚香烈性溫誤作解脾藥服之令人煩

杜

若



杜若

杜若生武陵川澤及宛甸今江湖多有之葉似薑花赤色
根似高良薑而小辛子如荳蔻二月八月採根暴乾用謹
按此草一名杜蘅而中品自有杜蘅條杜蘅爾雅所謂土
鹵者也杜若廣雅所謂楚蘅者也其類自別一名杜蘅一
名杜蓮一名白蓮一名白芩一名若芝味辛微温無毒王
風入腦戶頭腫痛多涕淚除口臭久服益精明目

沙


参



沙參

沙參生河內川谷及宛句般陽續山今出淄齊潞隨州而
江淮荊湖州郡或有之苗長一二尺以來叢生崖壁間葉
似枸杞而有叉牙七月開紫花根似葵根筋許大赤黃色
中正白實者佳二月八月採根暴乾一名知母一名苦心
一名志取一名虎鬚一名白參一名識美一名文希味苦
微寒無毒主血積驚氣益肺療胃痺心腹結熱頭痛皮間
邪熱

徐長卿



徐長卿

徐長卿生泰山山嵒谷及隴西今淄齊淮泗間亦有之三月生青苗葉似小桑兩兩相當有光潤七八月著子似蘿摩而小九月苗黃十月而枯根黃色似細辛微麤長有臊氣三月四月採一名別仙蹤一名鬼督郵味辛溫無毒主鬼物百精蠱毒疫疾邪惡氣溫瘧久服強悍輕身

雲

實



雲實生河間川谷高五六尺葉如槐而狹長枝上有刺苗
 名臭草文名羊石子草花黃白色實若麻子大黃黑色俗
 名馬豆十月採暴乾用今三月四月採苗五月六月採實
 實過時即枯落治瘧藥中多用之一名負實一名雲英一
 名天豆味辛苦温無毒主洩痢腸癖殺蟲蠱毒去邪惡結
 氣止痛除寒熱消渴

玉 不 留 行



本草綱目卷之二十二


玉

王不留行

王不留行生泰山山谷今江浙及並河近處皆有之苗莖俱青高七八寸已來根黃色如薺根葉尖如小匙頭亦有似槐葉者四月開花黃紫色隨莖而生如松子狀又似猪藍花五月內採苗莖曬乾用俗間亦謂之剪金草河北生者葉圓花紅與此小別味苦甘平無毒主金瘡止血逐痛出刺除風痺內寒止心煩鼻衄癰疽惡瘡癭乳婦人難產

葉

耳



藁耳

藁耳生安陸川谷及六安田野今處處有之謹按詩人謂之卷耳爾雅謂之蒼耳廣雅謂之藁耳皆以實得名也陸機疏云葉青白似胡荽白華細莖蔓生可煮爲茹滑而少味四月中生子正如婦人耳璫今或謂之耳璫草鄭康成謂是白胡荽幽州人呼爲爵耳一名羊負來俗呼爲道人頭實熟時採之一名胡藁一名地葵一名施一名常思味苦微寒有小毒主風頭寒痛風濕周痺四肢拘攣痛惡肉死肌久服益氣

葛


根



葛根

葛根生汶山川谷今處處有之江浙尤多春生苗引藤蔓長一二丈紫色葉頗似楸葉而青七月著花似豇豆花不結實根形如手臂紫黑色五月五日午時採根曝乾以入土深者爲佳今人多以作粉食之甚益人下品有根粉條卽謂此也花主消酒一名雞齊根一名鹿藿一名黃斤味甘無毒主消渴身大熱嘔吐諸痺起陰氣解諸毒療傷寒中風頭痛解肌發表出又療金瘡

地不容



地不容

地不容生戎州味苦大寒無毒蔓生葉青如杏葉而大厚
硬凌冬不凋無花實根黃白色外皮微龕榻累累相連如
藥實而圓大採無時能解蠱毒辟瘴氣治咽喉閉塞鄉人
亦呼為解毒草一名解毒味苦大寒無毒

括

樓



括樓

括樓生洪農山谷及山陰地今所在有之實名黃瓜詩所謂果菰之實是也根亦名白藥皮黃肉白三四月內生苗引藤蔓葉如甜瓜葉作叉有細花七月開似葫蘆花淺黃色實在花下大如拳生青至九月熟赤黃色二月八月採根去皮曝乾二十日成其實有正圓者有銳而長者功用皆同其根惟歲久入土深者佳鹵地生者有毒謹按括樓主消渴一名地樓一名果羸一名天瓜一名澤姑實名黃瓜味苦寒無毒補虛勞口乾潤心肺療手面皺吐血腸風瀉血赤白痢炒用



參

苦

苦參

苦參生汝南山谷及田野今近道處處皆有之其根黃色長五七寸許兩指麤細三五莖並生苗高三五尺已來葉碎青色極似槐葉故有水槐名春生冬凋其花黃白色七月結實如小葇子河北生者無花子五月六月八月十月採根暴乾用一名木槐一名苦識一名地槐一名土槐一名驕槐一名白莖一名虎麻一名岑莖一名祿白一名陵郎苦寒無毒殺疢蟲炒帶烟出為末飲下治腸風瀉血併熱痢

通

草



通草

通草即木通生石城山谷及山陽今澤路漢中江淮湖南
 州郡亦有之生作藤蔓大如指其莖幹大者徑三寸每節
 有二三枝枝頭出五葉頗類石韋又似芍藥三葉相對夏
 秋開紫花亦有開白花者結實如小木瓜核黑瓢白食之
 甘美南人謂之鸞覆亦云烏覆正月二月採枝陰乾用雞
 南草也一名活楚山海經又名冠脫生江南高丈許大葉
 似荷而肥莖中有瓢正白者是也又名倚商一名附支一
 名丁翁微寒主五淋利小便開關格治人多睡

主水腫浮
 大除煩熱

實



豕蛭實

豕蛭實或云即馬蘭子非是生河東川谷今陝西諸郡及鼎
澧州亦有之近京尤多葉似薤而長厚三月開紫碧花五
月結實作角子如麻大而赤色有稜根細長通黃色三月
採花五月採實並陰乾用一名劇草一名三堅一名豕首
味甘溫無毒治喉痺咽喉不通以根葉二兩水一升半煮
一盞細喫立通又治胃中熱氣風寒濕痺

參

玄



玄參

玄參生河間及宛句今處處有之二月生苗葉似脂麻又
 如槐柳細莖青紫色七月開花青碧色八月結子黑色亦
 有白花莖方大紫赤色而有細毛有節若竹者高五六尺
 葉如掌大而尖長如鋸齒其根尖長生青白乾即紫黑新
 者潤膩一根可生五七枚三月八月九月採暴乾或云蒸
 過日乾一名重臺一名玄臺一名鹿 一名正馬一名咸
 各端味苦鹹微寒無毒治頭風熱毒補虛勞損心驚煩
 燥力乏胃蒸傳尸邪氣止健忘消腫毒

歸

當



本草綱目卷之二十一

十五

當歸

當歸生隴西川谷今川蜀陝西諸郡及江寧府滁州皆有之以蜀中者爲勝春生苗綠葉有三瓣七八月開花似蒔蘿淺紫色根黑黃色二月八月採根陰乾苗有二種都類芎藭而葉有大小爲異莖梗比芎藭甚卑下根亦二種大葉名馬尾當歸細葉名蠶頭當歸大抵以肉厚而不枯者爲勝生山中者名薜一名山蘄在平地者名芹生山中而麓大者名當歸一名乾歸味其辛大溫無毒治一切風一切血補一切勞破惡血養新血及主癥癖



麻

黃

麻黃

麻黃生晉地及河東今近京多有之以滎陽中牟者為勝
苗春生至夏五月則長及一尺已來稍上有黃花結實如
百合瓣而小又似皂莢子味甜微有麻黃氣外紅皮裏黑
仁根紫赤色俗說有雌雄二種雌者於一月四月內開花
六月內結子雄者無花不結子至立秋後收採其莖陰乾
令青用一名卑相一名龍沙一名卑塩味苦温無毒通九
竅調血脉開毛孔皮膚逐風破癥癖積聚逐五臟邪氣退
熱禦山嵐瘴氣

知母



知母

知母生河內川谷今瀕河諸郡及解州滁州亦有之根黃色似菖蒲而柔潤葉至難死掘出隨生須燥乃止四月開青花如韭花八月結實二月八月採根暴乾用爾雅謂之薄又謂之莖藩是也一名岷母一名連母一名野蓼一名地參一名水參一名水浚一名貨母一名蜺母一名野蓼一名女理一名兒草一名鹿列一名韭逢一名兒踵草一名東根一名水須一名沈燔一名蕁味苦寒無毒治熱勞傳尸疰病通小腸消痰止嗽潤心肺補虛乏安心止驚悸

貝


母



貝母

貝母生晉地今河中江陵府鄆壽隨鄆蔡潤滁州皆有之
 根有瓣子黃白色如聚貝子故名貝母二月生苗莖細青
 色葉亦青似蕎麥葉隨苗出七月開花碧綠色形如鼓子
 花八月採根曬乾此有數種廊詩言采其苗音陸機疏云
 貝母其葉如栝樓而細小其子在根下如芋子正白四
 方連累相著角分解今近道出者正類此郭璞注爾雅云
 三花葉似韭此種罕見此藥亦治毒瘡一名空草一名藥
 一名苦花一名苦菜一名商草一名勤母味辛苦微寒
 無毒消痰潤心肺止嗽治惡瘡

白芷



三才圖會卷之五十一

十九

白芷

白芷生河東川谷下澤今所在有之吳地尤多根長尺餘
白色麤細不等枝斵去地五寸已上春生葉相對婆娑紫
色濶三指許花白微黃入伏後結子立秋後苗枯二月八
月採根暴乾以黃澤者爲佳楚人謂之菊九歌云辛荑楮
芳葯房王逸注云葯白芷是也一名芳香一名白芷一名
藟一名莞一名苻離一名澤芬葉名蒿麻味辛溫無毒治
心腹血刺痛除風邪主女人血崩及嘔逆明目止淚出

淫羊藿



三才圖會卷之草木二
三
淫羊藿一名仙靈脾生上郡陽山山谷今江東陝西泰山
漢中湖湘間皆有之葉青似杏葉上有刺莖如粟稗根紫
色有鬚四月開花白色亦有紫色碎小獨頭子五月採葉
曬乾湖湘出者葉如小豆枝莖緊細經冬不凋根似黃連
關中俗呼三枝九葉草苗高一二尺許根葉俱堪使一名
剛前味辛寒無毒主堅筋益骨丈夫絕陽不起女子絕陰
無子四肢不仁老人昏耄

黃

芩



黃芩

黃芩生秭歸山谷及宛句今川蜀河東陝西近郡皆有之
 苗長尺餘莖斡麓如飭葉從地四面作叢生類紫草高一
 尺許亦有獨莖者葉細長青色兩兩相對六月開紫花根
 黃如知母麓細長四五寸二月八月採根暴乾用之吳普
 本草云黃芩又名印頭一名內虛一月生赤黃葉兩兩四
 四相值其莖中空或方圓高三四尺花紫紅赤五月實黑
 根黃二月九月採一名腐腸一名空腸一名內虛一名黃
 文一名經芩一名妬婦

味苦大寒無毒治骨蒸寒熱往來
 腸胃不利治丁瘡排膿乳癰發背

狗

脊



狗脊

狗脊生常山川谷今太行山淄温眉州亦有之根黑色長三四寸兩指許大苗尖細碎青色高一尺已來無花其莖葉似貫衆而細其根長而多岐似狗脊骨故以名之其肉青綠春秋採根暴乾用今方藥用金毛者一名百枝一名强脊一名扶蓋一名扶筋味苦微温無毒治脚氣濕痺腎氣虛弱補益男子續筋骨

石龍芮



石龍芮生泰山山川澤石邊陶隱居云近道處處有之今惟
出兗州一叢數莖莖青紫色每莖三葉其葉茸茸短小多
刻缺子如葶藶而黃色五月採子二月八月採皮陰乾用
能逐諸風除心熱燥蘇恭云俗名水葶苗如附子實如桑
椹上下濕地此乃水葶非石龍芮也一名魯果能一名地
椹一名石能一名彭根一名天豆味苦無毒能逐諸風主
除心熱燥

茅根



茅根

茅根生楚地山谷田野今處處有之春生苗布地如針俗
間謂之茅針亦可噉甚益小兒夏生白花茸茸然至秋而
枯其根至潔白亦甚其美六月採根用今人取茅針接以
傅金瘡塞鼻洪至暴下血及溺血者殊效又有管亦茅類
也一名蘭根一名茹根一名地管一名地筋一名蕪杜味
甘寒無毒花通血脉淋瀝又治刀箭瘡止血并痛根主婦
人月經不勻

紫

菀



紫苑生房陵山谷及真定邯鄲今燿成泗壽台孟州興國
軍皆有之三月內布地生苗葉其葉三四相連五月六月
內開黃紫白花結黑子本有白毛根甚柔細二月三月內
取根陰乾用又有一種白者名白苑蘇恭云白苑即女苑
也一名紫菀一名青苑味苦辛溫無毒調中及肺痿吐血
消痰止渴潤肌膚添骨髓

紫

草



紫草

紫草生礪山山谷及楚地今處處有之人家園圃中或種
蒔其根所以染紫也爾雅謂之藐廣雅爲之苾莫茜似蘭
香莖赤節青二月有花紫白色秋實白三月採根陰乾用
一名紫丹一名紫芙味苦寒無毒治五疸利九竅又去瘡
窩癬

前胡



前胡

前胡今陝西梁漢江淮荆襄州郡及相州孟州皆有之春
 生苗青白色似斜蒿初出時有白芽長三四寸味甚香美
 又似芸蒿七月內開白花與慈花相類八月結實根細青
 紫色二月八月採暴乾今鄜延將來者與柴胡相似但柴
 胡赤色而脆前胡莖而柔軟不同耳江東有三四種一種
 類當歸皮斑黑肌黃而脂潤氣味濃烈一種色理黃白似
 人參而細短香味都微又有如草烏頭膚黑而堅有兩三
 歧為一本者然皆非前胡也味

苦微寒無毒治勞下氣止
 嗽開胃風頭痛明日益精

敗 醬



本草綱目卷之五十一

七

敗醬

敗醬生江夏川谷今江東亦有之多生崗嶺間葉似水蓎
及薇銜叢生花黃根紫色似柴胡作陳敗豆醬氣故以爲
名八月採根暴乾用一名鹿腸一名鹿首一名馬草一名
澤敗味苦微寒無毒治赤眼火瘡疥瘙疽痔馬鞍熱氣風
痺不足產後疾痛

白

鮮




白鮮

白鮮生上谷川谷及宛句今河中江寧府滁州潤州皆有之苗高尺餘莖青葉稍白如槐亦似茱萸四月開花淡紫色似小蜀葵根似蔓菁皮苦白而心實四月五月採根陰乾用又云宜二月採差晚則虛惡也其氣息都似羊羶故俗呼爲白羊鮮又名地羊羶又名金雀兒椒其苗人以爲菜味苦寒無毒主頭風黃疸以痛一切熱毒風風瘡疥癬婦人產後餘血

酸

漿




酸漿

酸漿生荆楚川澤及人家田園中今處處有之齒似水茄而小葉亦可食實作房如囊七中有子如梅李大者赤黃色小兒食之尤有益可除熱根似薤芹色白絕苦搗其汁飲之治黃病多劫五月採陰乾爾雅所謂歲寒水郭璞注云今酸漿草江東人呼為苦葳是也今醫方稀用一名醋漿味酸平寒無毒主熱煩滿定志益氣利水道產難吞其實立產

杜

蘅



本草綱目卷之六十一

四十一

杜蘅江淮間皆有之苗葉都似細辛惟香氣小異而根亦
麓黃白色葉似馬蹄故名馬蹄香三月三日採根熟洗暴
乾山海經云天帝之山有草狀如葵其臭如薜蘿名曰杜
蘅可以走馬食之已癭兩雅謂之杜又名土鹵今人用作
浴湯及衣香甚佳味辛溫無毒主風寒欬逆

紫

參



紫參

紫參生河西及宛甸山谷今河中解晉齊及淮蜀州郡皆有之苗長一二尺根淡紫色如地黃狀莖青而細葉亦青似槐葉亦有似羊蹄者五月開花白色似蔥花亦有紅紫而似水荳者根皮紫黑肉紅白色肉淺而皮深三月採根火炙令紫色又云六月採曬乾用一名牡蒙一名衆戎一名童腸一名馬行味苦辛微寒無毒能散瘀血主心腹堅脹治婦人血崩不通

藁

本



藁本

藁本生崇山山谷今西川河東州郡及兗州杭州皆有之
葉似白芷香又似芎藭但芎藭似水芹而大藁本葉細耳
根上苗下似禾藁故以名之五月有白花七八月結子根
紫色正月二月採根暴乾三十日成一名鬼卿一名地新
一名薇莖味辛苦微寒無毒能治一百六十種惡風

藥本生安山山山谷今世川河東州郡及九州杭州皆有之
葉似白芷香又似香薷但青筋似水芹而大葉本葉細耳
根上葉下似水蓼故以各之五月有白花七八月結子根
黃色正月二月採根條乾三十日成一各鬼脚一各地新
一各備葉味辛苦微寒無毒能治一百六十種惡風

